

寒
松
閣
詞

序

詞雖小道不善學者不能爲爲之亦不能工也。搗李詞藪也。自朱竹垞太史李秋錦徵君開其先數十年尋聲拍譜不乏其所爲詞雖薄不浮雖淺不俚有清空婉約之致無肥澤浮靡之習師程具在律呂精嚴良可慕也。張君玉珊家構李年纔弱冠雅好譜詞著有秋風紅豆樓詞鈔一日寄予索序讀之以溫李之才寫纏綿之格春情豐緜秋思往復筆意最近靜志居予素喜填詞酒邊鐙下雁晚花前每有感託付之倚聲今讀玉珊詞不禁有觸予好明年春水生時當袖我笛譜載雛鬟泊舟鴛鴦湖畔與君賭唱紅牙數拍也。

咸豐紀元醉司命前五日桐鄉馬蘭芬拜手序

序

夫以珂雪鬱鬱把梅邨之袖竹垞朗朗拍飲水之肩姜張
吳史商羽流徵之音溯厥遺風實在長水蓋樂府之職志
而倚聲之林淵也吾友嘉興張公東陶靈碧山標體白石
頗梅谿之秀而芟其蕪翫夢窗之奇而割其類先哲可作
後來交推結交十五六年唱予數十百調公東以稚圭楊
檠不佞以止庵津逮以爲樹比興於慢令通絃雅於犯引
譬之染黛妝蛾短長入鏡成塵拂麝冷煖皆香琴緒分明
酒鄉棲逸抑亦磊落如昔顰笑無端者已公東去年賦春
柳四詩傳唱東南身世之感民物之故託興如見而槭詞
可通予閱歲乃始和之折胥淪落拄笏偃蹇同心離居兩

刀一鞘斯敬通孝標各當自序可乎審定公東詞卷附以
諱之譚獻撰

序

古不云乎詩三百篇大抵聖賢發憤之所爲作也夫人苟非不得已殆無文字卽填詞亦何莫不然浙西之詞以小長蘆釣師爲職志其生平減偷宗旨備見於自題詞集之中以彼飄零桑海蕭索高門夜別酒徒朝瞻兵氣此何景邪舟屑馬背水曲山椒北風淒其吹人饑烏昏而啄屋此何地邪引商刻羽其第求派別邪其第美音節邪夫固有迫之於初幹之於內者矣君生長詞人薈萃之鄉濡染已非尋常又得韻甫黃氏爲之導師卷首所載商榷諸言可藥末派可起正宗故君所涉筆銅鑿新炙無其脆彈丸脫手無其靈初寫黃庭神與體會知者皆能道之矣憶予經

南昌郭外晤君於野寺四壁黧黯小窗微明君獨據一案
校乙淮南鴻烈解細楷流麗如珠走盤蕭然不自知聽鼓
應官爲何事乃嘆人惟能甘淡泊之境始有情至之言情
愈至品愈高詣愈深蘊抱愈厚激發愈雄將得已邪不得
已邪然則君之詞殆其嚆矢耳予於詞旣孱學又多意造
況復聞見蒼涼知交零落才華旣退結習遂除棄置不講
久矣今讀君詞又不禁怦然有動於中惜乎相逢之已晚
也異日者落月在梁碧雲舒卷若有作天風海濤之音唱
玉宇瓊樓之句者其殆君乎

光緒甲申冬月長樂弟謝章铤

國朝詞家盛於浙西自長蘆黑蜆啟其先聲而繼起者前
後相望蓋地處水鄉湖煙卹柳皆足助其吟歡之懷予嘗
秋夜過長水道中菱歌縹緲時出於遙汀遠渚間無不韻
諧天籟宜詞人詣力於斯不僅守嘯餘諸譜卽爲工於倚
聲也玉珊張君家世清門妙年力學出其餘緒卓能樹幟
詞壇或訪古安絃或懷人動操其音律之韶秀節拍之謹
嚴如風簫月笛清韻可思使導白石之樵歌蘋洲之漁唱
皆無愧於作者矣予今春寓居明聖湖頭時宿雨初晴倚
樓讀此覺花光照戶嵐翠撲窗足以擬君之才澄波涵碧
白雲輕飛足以擬君之品幽泉瀉澗谷鳥喚林足以擬君
之調設君家三影詞宗復起亦當先爲首肯也始知詞學

之盛於浙西予於秋風紅豆樓琴趣益信時咸豐壬子脩
禊日海昌弟管庭芬跋於靈竺山房

尊詞清而腴婉而麗纏綿悱惻中妙有庸峭之致是於君
家樂笑翁升其堂而入其室矣十讀三歎欽佩無斁略有
獻疑之處妄注簡端惟大雅采擇焉承賜佳章俟病起和
正也時甲寅中夏之月中吳戈載力疾校於山塘賃屋
雅馴秀潔自是雋才誦之歡喜無量再求沈著幽警以防
走而不守之失君家玉田詞如行雲流水不染一塵其清
空縹緲之氣迥非俗穎所到世之學者往往得其形似而
遺其神情便有虎賁中郎之別此中消息極微不可不辨
素性愚直不作浮詞於文字尤甚硯虹吾舊游攜此相質

敢陳芻獻俟高明審擇焉甲寅中秋海鹽韻甫黃燮清并識

合觀兩冊筆姿清秀非庸俗所能詞之根苗具矣至於總
繇沈著幽微曲折之境均尙未到宜多選宋詞細加體會
久自有得其羸率淺滑處乃詞中大病已略略點出急宜
洗汰爲屬辱承見商故質言之若以諛詞取媚恐誤學者
且非所以待知愛也此事作者固少而識者亦不多真可
爲知者道耳乙卯仲春韻甫又誌

詞宜細不宜麤宜曲不宜直宜幽不宜淺宜沈不宜浮宜
蓄不宜滑宜豔不宜枯宜韻不宜俗宜遠不宜近宜言外
有意不宜意盡於言宜寓情於景不宜舍景言情以上數

條合之則是離之則非合之則爲雅音通於風騷離之則入於曲調甚或流爲插科打諢卹歌里唱矣此中界限切宜細辨若隨題布置信筆直書則積弊終不能洗淨也韻甫識

綜閱全卷清潔澹雅一空俗障自是作者本色然總欠醞釀沈著味之殊少深趣宜以白石之蒼峭梅谿之幽雋藥之當更有進境否則輕清上浮終無以迥越時輩也近時詞客輩出然襲取皮貌者多作者英年慧質予之所期望者遠故欲進而益上勿以爲苛責也嗣後每作一調必先定其命意之所在或言外感慨或借端寄託則此中有瞻凡似是而非描頭畫角之語自無從繞其筆端且須音在

絃外不可意盡句中收處尤宜縹緲無迹其綫索關合須
在有意無意之間方能不著迹相蓋一著迹便無深趣也
其中大有禪味非淺人能解足下慧根人又虛中下問故
約略言之其實文之有柱義詩之有旨趣其理一貫只音
調詞藻不同耳予近悔綺語已不復作詞然此中甘苦領
略極深故閱人之詞往往多否少可其實自問所作亦不
逮所言特不敢以諛詞誤知愛也戊午天中韻甫識

浙西詞派幾乎家祝姜張戶戶朱厲矣要皆淵源有自不
失爲雅音作者從玉田石帚入手門徑不誤故沈鬱雅澹
之思空濛蕭瑟之致卷中時或遇之倘從此精益求精則
所造益深所養益邃渣滓去而清虛來不妨於穀人祭酒

謝盒儀部外自樹一幟予焉能量其所至哉天寒墨凍呵筆書此以誌欽佩咸豐己未新春上元後一日萊翁顧翰書於城南老屋

黃丈韻珊論詞一以姜史爲宗所著拙宜園集亦曲亦細亦清空亦幽邃洵足矯麤浮綺靡之習而一歸雅正者固近時詞人之靈光也玉珊爲拙宜園弟子所爲詞清蒼疏雋亦自白石入手充所到當於樊榭穀人外另樹一幟又胡能測其所至惟此中積弊黃丈言之鑿鑿願與玉珊力攻其似以揣合眞旨之所在爲之不懈必有大進乎此者而以是編爲餘雋也可矣己未三月吳江弟柳以蕃拜跋咸豐十又一年冬十一月海鹽黃韻甫大令自杭省出山

將之楚道出滬城訪余于沈香閣脩志局彼此神交二十餘年矣至是始得一合并握手論詞相與歎近日詞風盛行詞學轉衰蓋吾兩人少時頗好倚聲迄今悔不欲作誠知其難也時彥詫于人輒云姜張朱厲其實于玉田樊榭僅得皮毛竹垞已不可及若白石之一往庸峭非貌爲清空者可襲而取蒙嘗欲以北宋諸名家救其弊上之可接迹唐賢下之不至流爲空滑又往時與湯雨生都督論詞于白門雨翁舉董晉卿之言曰詞以無厚入有間余爭之曰詞以有厚入無間雨翁歎服吾言今所著芬陀利室詞話大旨不越乎此玉珊張君爲韻甫高足弟子亦以避兵來滬秋間以是卷相質小病卒卒未暇讀寒夜篝鐙細校

簡首已有韻甫評閱語三四則佳處及小有疵類皆詳盡言之余何以益玉珊必進而上之試取有厚入無間之說由北宋以上溯唐人三昧卽風騷漢魏其微旨亦不難窺測也於姜張朱厲乎何有韻甫在此君之導師也請以蒙言質之寶山蔣穀復

大著二冊留置案頭月餘奉誦十數過不愧山中白雲滴乳近亦足爲君鄉韻甫替人欽佩無已擬奉題一詞茅塞其心欲學步邯鄲而不可得愧甚愧甚同治二年夏四月無錫秦緇業讀於城南營次

捧誦大著渾厚縑密求之當代其竹垞之嗣響乎同治癸亥十月金陵芝孫秦宗武讀于楓涇霽月樓

昔者蘇轍葉小譜先生之論詞也曰清曰空曰騷曰雅傳
璞齒猶未也竊心識之及從鎮海姚復莊先生游大指亦
不外是蓋清則不淤空則不砌騷則不露雅則不佻顧嘗
執是以繩古作者亦惟白石白雲草窗夢窗數家能兼之
耳傳璞方心杳舌于詞無能爲役然讀吾友張玉珊同年
所爲詞悠然有會于兩先生之言行閒字裏如或遇之玉
珊構李美才守鄉先正之矩矱浙西之學者未能或之先
也而又多交當世之賢士瑰彥以壯其風雲月露之思以
吐其豁壑林岫之秀以宣洩其鉅鑱鼙鼓之哀且憤故造
詣精進如是厚以斯集相示不敢自信爲知言而又不欲
爲世俗之夸辭適葉君曼庵過齋頭見而愛之歎爲近今

希有曼庵小譜先生之猶子也又復莊先生之詞弟子也
吾于是以曼庵之所知者知玉珊玉珊母亦首肯矣乎同
治丁卯十一月朔日年小弟鄞縣郭傳璞呵凍謹書于虎
林旅次

大作二冊沈幽固閱深得意內言外之妙黃均甫云詞宜
細不宜麤宜曲不宜直宜幽不宜淺宜沈不宜浮宜蓄不
宜消宜豔不宜枯宜均不宜俗宜遠不宜近宜言外有意
不宜意盡于言宜寓情于景不宜舍景言情此數語埽除
積弊獨標真旨可爲知者道難與俗人言也同治戊辰夏
六月潘曾綬讀過并識

大箸格律精微深得南宋宗旨而用筆清癯尤足爲曝書

亭替人捧讀之餘愛不釋手簿書鞅掌不及作東家施愛
弁數言以誌欽佩已巳孟夏同里弟杜文淵讀於滬上
庸峭處如晴雪在林一鶴獨語清麗處如香霧繞徑萬花
齊韻洵乎吹氣皆馥無骨不妍山中白雲其替人乎已巳
莫秋年愚弟潘介繁讀

大箸靜妙秀潔清新便娟蕤紅蠟以照豔調翠羽而榮花
濁醅半飄咳唾散爲荷采斷萍片葉水雲盪其素襟固已
香出騷心冷歸琴趣竊謂詞學振於天水名人萃乎君家
然如浮休畫墁東澤綺語均不足爲此集引重矧以鄉在
鴛水居鄰長蘆稱浙西之近派擬釣師之餘音已乎按拍
數周悅服之至同治庚午上巳長洲弟潘鍾璫讀畢記

落月在襟秋心如夢桐陰夜碧雁底煙涼寒松主人詞境
似之丙子中秋橫泖病鴻何長治讀誌

花氣烘人尙煖珠光出海猶寒玉田翁題草窗絕妙好詞
句也因以爲贈毘陵呂耀斗讀後識

丁丑仲夏公束仁兄以將爲令江右入都待 覲枉過寓
廬相別八稔須髮各蒼出此集見眎所存甚尠而選聲簡
律字字當家餘邇之思婉孌之色皆足貽蕩景光感妙神
志非夸衒靡麗者所敢望也繹誦再過埭識短言雲樹相
望它日請念會稽愚弟李慈銘

題辭

吳仰賢

牧騷

減字偷聲格細筆新詞傳寫衍波牋花開索句吟幺鳳酒
後緘情託杜鵑玉宇瓊樓蘇學士曉風殘月柳屯田南湖
煙水干卿甚歲歲春愁劇可憐

漢軍

繼振

又雲

君家三影詞人後花月荒涼直到今我坐空亭來叩古欲
從何地覓遺音清詞妍唱此其繼試一吟之愜素心好載
兜孃踏歌去底須舊譜購千金

吳江

柳清源

松琴

一卷新詞豔翠茗南湖煙雨溼吟豪合喚雙鬟花底立替

吹簫 春水綠波涵別恨秋風紅豆簇愁苗惹得江南頭
白宴也魂銷

調寄攤破浣谿紗

嘉善

程光熊 蓮壽

恁崢嶸逞詞場跋扈三影賺狂名殘月屯田野雲石帶值
得如許深情占幽境南湖煙柳按柳枝低唱付鶯鶯無恙
青衫相思紅豆慧業三生 我亦工愁多病把簾前花月
吹瘦瑤笙

拙詞自題
花影吹笙

夢影燈邊愁心天末贏得華髮星星

羨年少如君仙骨待覽裳秋半詠聲聲喚取嬌娥遙夜簫
譜修成

調寄一萼紅

青浦

周南 蕩軒

朔風吹暝不成雪展卷欣將雋語探比似茶山好詩格清

泉第二月初三

兩駐駕央湖上船閭邱未見見詞編傳鈔欲付吳娘唱手
掐檀槽定子筵

錢鼎

興烈 銘伯

海國風煙滿胡爲君更來褰裳江草溼拓筆嶽蓮開戎幕
唐衢哭江關庾信哀西風歎寥落把酒莫登臺

吾宗久衰歇之子獨能文我欲辟三舍人誇張一軍別開
詩境界頗策酒功勛離思隔秋水徘徊日暮雲

百里鴛湖路經年戰未休道涂多坎窞身世感浮漚未可
謀三宿端宜詠四愁銅琶催唱急揮手大江流

鬱鬱青松樹泠泠白雪絃天風振遙響山雨漱飛泉高館

春蘿合幽龕夜火然看君賦招隱重爲理吳牋

華亭

鴻卓篠峯

儂家綠雪君紅豆東西各分門戶子野話千秋卻宗風堪
溯鴛鴦湖畔路想攜客幾番尊俎璧月瓊簫露蘋煙艇夜
還尋句 枝艣出松江嬉春社年時冶情同賦動地鼓鼙
來柰飄零風絮傷心休更訴且銀字共論新譜洞仙唱又
惹相思問燕來知否

調寄徵招

會稽

李慈銘 蘿客

絕倒張三影新詞世必傳清思能拔俗綺語不妨禪燕市
鳴笳地鴛湖掀笛天祗應逢井水爭唱柳屯田

長洲

潘鍾璫 麟生

吳宮花草荒蕪處無多燕簾鶯戶客夢付春潮向鴛湖洞
溯紅鐙雲外路記軍讌夜排樽俎鐵撥雲涼紅牙月細盡
歸妍句柔櫓倚橫塘方回後江南斷腸誰賦柳白絮垂
垂送煙絲香絮招鷗閒與訴訂聽水聽風殘譜更吹入閣
上松濤問鶴知寒否

調寄徵招

玉珊同年橐筆金閨別三年矣今春重至湖上懽然
話舊以所箸寒松閣詞見示冲遠恬雅一洗綺麈之
習雨夜翦鐙讀之眇眇兮予懷也用蛻巖體與諸簡

端

錢塘

景祁 蘓梅

南湖煙雨慣一舸尋秋費花多處韻入瓊簫合付小紅吟
侶香谿俊游縱好嘆年來未歸羈羽對酒秦川聽鶯杜曲

問閒情何許

倚畫簾慵寫斷腸句

君前歲悼亡張曙詞黃昏微雨畫簾垂蓋

寓駒省怕鏡檻塵空新染霜縷側帽重逢又是六橋風絮

西園甚時醉也奈沈沈翠陰庭宇靜埽茶煙半榻倩詩心

留住

調寄丹鳳吟

會稽孫德祖彥清

齊紈雪色寫紅幺譜細烏絲闌密拍向酒邊翻恨年時未

曾識昨莫西湖沈醉把三影詞人苦憶算許我身到瑯嬛

花霧綠襟溼

閒立皺雲側又手展瑤編讀斜西日漫咀

仙液簾外吳山可憐碧爲問杜郎疏俊有多少燕今鶯昔

低唱處應覓箇小鬟倚笛

調寄紅情

桐鄉駁錫康伯雅

駕央湖畔讓詞仙容與管領鷗波卅年住儘荷汀浴鷺柳
岸鳴蜩都寫入白石梅谿新譜風流稱絕調畫壁雙鬟
傳徧黃河舊時句藁筆又今朝幕府蓮開任高唱大江東
去時君居李質
堂軍門幕府羨滴粉搓酥好才華待走馬看花帝城
春雨調寄洞仙歌

吳縣潘曾綬執庭

金臺話舊憶當年初見才氣縱橫海內知交今更少尊前
離思迴縈脰竹零絲玉句金縷心迹十分清淡黃月色有
人花底吹笙此去贈別長亭柳枝輕折漸覺遞秋聲回
首長安吟侶在休負水約山盟花縣風和琴堂晝靜彩筆
紀江程新詞如寄一編冰雪聰明調寄百字令

新建

勒深之元侯

東湖舊游處風景尙依然好侶欣無恙重逢又一年清言
蠲啗客雅意劇纏綿更啟新詞卷明珠落落圓
秀幹胎清蘊靈臺攀遠春二窗應抗手三影有傳人顧我
慙微技無緣步後塵拈豪志奇幸芳緒待重申

番陽

葉衍蘭蘭臺

水風吹冷霓裳海山誰譜琴天趣江湖載酒頻年飄泊京
華羈旅絕代銷魂鞦韆花影獨吟愁句想銀河滌筆萬紅
香沁白雲在春深處綠陂池波幾許寫幽懷相思情緒
秋蘭一朵孤芳遙寄楚騷煙語邀笛蘋洲淒涼夜月舊盟
鷗鷺問何時倚醉更闌翦燭話西窗雨

調寄水龍吟

寒松閣詞卷一

嘉興 張鳴珂 玉珊

南浦

春水用山中白雲詞韻同褚少梅

紹義

徐金坡

變

賦

谿雨夜廉纖趁東風著力溶溶流曉新漲漸平隄垂楊外
一帶林塘如埽偷窺鏡面理妝十五漁娃小南浦那時曾
賦別腸斷綠波春艸 年年開徧桃花數江鄉又是鰕魚
肥了杜若暗生香汀洲畔可有舉芳人到煙波杳渺蒹裙
伫立風前悄回首畫船天上坐載得落紅多少

前調

褚紹義

少梅

水煖雪泥融正橫塘十里流鶯啼曉新漲半篙添橋亭
路淺碧落痕如埽柔情綺靡綠波漾出魚苗小爲問王
孫何處去惆悵一汀芳艸誰家淨浣谿紗洗殘紅不
解洗將愁了洞口好風光桃源裏可有劉郎重到天涯
渺渺近來南浦歸帆悄寒食清明都過也谿上落花多
少

前調

徐鑾 金坡

一片碧琉璃擬菱花拭鏡漁娃妝曉短艇撥殘紅飄流
去替與惜花人埽盈盈照影一鉤羅韞淩波小又是江
鄉梅雨節攪碎一川煙艸朝朝凝盼樓頭問王孫何
日挂帆歸了彈入淚珠圓相思意可向郎邊流到春光

渺渺柳絲飛盡鶯聲悄化作浮沈萍葉亂惹起旅愁多
少

江城子

紅藕花殘小苑涼一湖秋水香倚迴廊生疏樓閣何處捉
迷藏魂斷隔簾鸚鵡語歸去也沒商量

倦尋芳

春光欲去雨意垂垂於紅稀綠暗中翦鐙賦此時
夜寒特甚彌益淒戾矣

柳絲蘸雨落暈生煙庭院催暝悄揜窗紗窗外妒花風勁
紅藥翻階春欲去碧桃窺戶寒猶凝最銷魂是梁閒紫燕
一雙低竝歎芳事那堪重省萍絮三生飄蕩無定淺夢

梨雲又被杜鵑驚
醒簫局撥殘蘭麝火
牆陰閒煞鞦韆影
料天涯卷湘簾翠鬟
慵整

疏影

少梅索題梅花仕女幅用石帚韻

冰蜍映玉有耐寒老鶴落際棲宿底事宵深不管清愁高樓起弄橫竹巡簷索共梅花笑儘倚徧枝南枝北彈晚妝鬢影如煙伴取瘦痕幽獨還憶江鄉舊事綺窗試問訊纖蕊搖綠渺渺天涯酒醒羅浮夢墮荒寒蘿屋何郎漸老風情懶已忘去聲卻玉臺歌曲待翦鐙重喚春魂賸有冷香盈幅

高陽臺

醉司命日鐙下讀又雲

續振

五湖煙艇題贈集賦

此用穀人集中祀鼃日題詹石琴詞卷韻

燭豔燒春傷香資凍荒邨景偏殘年一卷新詩攜來展向
梅邊分明醒了羅浮夢牘鬢絲輕颺茶煙伴疏窗一穗寒
鐙好證情禪幽懷欲共瑤琴語把淒涼心事付與鴟絃
我亦多愁夜深冷抱青瑣人閒縱有雙紅豆又雲見臨詩
有人閒只賸
雙紅豆我欲平分故憫公之句寫相思難盡豪顛漸冰漸暗結谿流阻斷
魚賤

疏影

黃硯北丈仁家篠峯

鴻卓

雷約軒

葆廉

舉嬉春詞

社約賦春影

玲瓏碎玉是舊時月色移到蘿屋檻外疏梅相約今宵橫
斜寫上綃幅湘簾十二低垂地漾澹澹波紋如縠看鬢邊
一縷煙飛小鼎雨前茶熟猶記鞦韆架畔海棠睡未醒
偷照紅燭刻鞦歸來慵整殘妝鏡裏脩蛾微蹙銀鐙莫絮
雙蓮朵怕不見倚闌人獨最可憐捉搦楊花譜入笛家新
曲

前調

華亭

鴻卓篠峯

江南艸色誤倚樓望眼浮靄分碧竹外桃花隔水盈盈
相思鏡檻窺得絲絲絮亂斜陽裏恁淺印琉璃窗格指
杏邨一角青帘幾度畫橋留迹曾記孤山訪古瘦梅
臥翠蘚疑寫殘墨燕燕飛還銚暈巢痕白顧烏衣憐惜

彈琴笑看文君鬢忍重憶銀屏遙夕又隔牆送過鞦韆
好月似曾相識

聲聲慢

春聲嬉春詞社分賦

飴簫宛轉社鼓喧闐匆匆節近清明燕妬鶯嬌朝來似報
新晴街頭賣花人到喚梨雲殘夢恹惺卷簾看怕生紅飛
墮繫箇金鈴記否尋芳陌上共个儂門艸鉤觸琤琤天
半鳴絃誰家穩放風箏新詞柳枝賭唱隔花陰防有人聽
愁又是替催歸鵲語未停

菩薩蠻

重來人似雕梁燕尊前不分長相見相見背銀缸影兒成

一雙 分明閒坐久那得長相守相守奈今宵春愁上下潮。

憶舊游

乙卯秋客武林晤餘杭郎夢亭

瑞

載酒湖上極筆

硯琴尊之樂青山無恙紅鯉書稀忽忽已二年矣
今夏訪予春波釣屋相見歡甚別又匝月譜此寄懷

記湖潯覓影水榭招涼款語西風小艇沿波去正初荷過
雨墜粉飄紅叩舷段家橋側題帕句玲瓏悵客裏光陰提
鵬挈鷺都是萍蹤 匆匆臥游處認扇底煙鬟依舊溟濛
於西湖鷗觴中爲 最怕鷗盟冷向鴛鴦湖上重繫詩篷酒

醒平聲故人何處零落翠尊空待小疊銀牋愁心寄與雲外
鴻

浣谿紗

秋夜夢中得鷓鴣句曉起足成之

菼菼紅彫小苑秋嫩涼人倚水邊樓半簾花雨鷓鴣愁
羅幘題香留鏡檻玉釵分影入茶甌畫眉纔罷看梳頭
齊天樂

游查氏竹素園

菱波新漲銀塘淨園林已消殘暑粉墜蓮房香飄桂露秋
在梧桐庭宇牆陰過雨正薄靄初收溼煙堆樹一角頽峯
翠痕猶畫舊眉嫵淮南招隱賦罷任蒼苔踏徧游屐來

去壞塔窺窗孤亭枕水多少珠簾瓊戶繡華易阻甚蕭瑟
蘭成慣商愁句

壁間有戲紅主人題句甚悽婉

付與階前亂蛩深夜語

臺城路

褚二梅

榮槐

歸自東臺出始游集屬校爲賦此解

江山洵美非吾土登樓最憐王粲彈鋏歌魚揮豪倚馬儘
把閒愁消遣淒迷淚眼看戰壘蕭蕭綠蕪春滿落日荒城
暮笳幽抑和哀怨天涯多少俊侶悵鸞飄鳳泊離緒誰
綰廿四橋邊十三河上題徧兜娘團扇柔腸易斷甚芳艸
年年故鄉歸晚好約盟鷗翠尊留醉淺

齊天樂

江館聽秋圖爲王麀龔

鼎華

題予今秋再至武林

僑寓吳山時木落江寒新愁如約倚簫歌此不覺

詞之沈鬱也

商聲一片闌宵起蕭蕭翠梧風颭警露蛩寒征霜雁苦淺
夢驚回荒店曙聞乍減又龜赭潮來枕函微撼宛轉蘭心
翦鐙獨東盧切自賦哀豔天涯同是倦旅記吳山蠟屐楓
老如染月滿江空飄迴樹合把袂年時游覽青衫試檢有
淚點橫黏酒痕濃澹我更添愁賞秋重繫纜

東風第一枝

憶梅用蛻巖韻

石屋橫琴羅浮遲夢瓊妃休誤輕約翠禽飛上落枝隔籬
乍舒嫩萼東風簾卷正鏡裏曉鬟初掠銀計切憶那時縞袂

相逢驚起睡酣雙鶴
風峭峭茜裙漸薄波澹澹素蟾未
落浪傳春到江南忍聽數聲戍角何郎老去已換了朽關
疏箔待翦鐙橫幅重臨記取凍香池閣

買陂塘

題鮑銘青

昌照

叩舷覓影圖寓感逝意

倚荃橈采香盈袖碧雲誰寄芳杜淩波已斷驚鴻影何況

韞羅微步還憶

銀計切

否憶解佩湘皋曾被鴛央妒歡悰易

阻算雙槳移春一鐙煑夢佳約者番誤

低徊久怕聽瀟

瀟暮雨浮漚彈指應悟蘭香恩眷桃花命佗想又添酸楚

愁不語任叩徧桐舳懊惱歌金縷多情最苦盼天際螺峯

柳梢蛾月隱隱露眉嬾

露華

春日散步小橋流水間見緋桃一株妍媚可愛用
玉筍山人韻寫之

洞天未曉被東風嬾娜吹醒香魂洗春雨過輕盈猶帶呢
痕照水一枝清絕映夕陽紅染羅裙歌扇底嫣然一笑未
懺情根 休尋去年人面誤俊侶重來呵筆題門鉤車零
落只愁霧暝煙昏甚日武陵谿上繫釣篷歸隱花邨塵夢
冷芳心欲于句切化絳雲

南歌子

明鏡窺星靨疏簾帶雨聲春陰如墨罨紗櫺一角遙山不
畫黛睂青 舊約聽箏誤新歡打槳迎匆匆芳序過清明

懊惱東風猶未放新晴

金縷曲

六舟上人

達受

手拓漢竟甯雁足鐙第廿五墨本

爲胡鼻山

震題

翠墨香痕凝笑攜來叢殘故紙竟甯堪證遺物漢家傳雁
足不數銅荷鳳頸算玉盃金甌相竝更有仙人殘鏡在予
有漢仙人不老殘鏡一規照宮妝一樣如花靚思往事淚珠迸西京
舊迹憑誰省讓山僧剝落剝蘚撫摩宵永耿耿蘭心含欲
吐鬧煞春蛾弄影愁不見玉釵挑醒笑我青藜光未借剔
昏檠細字牛毛映銀蠟燼夜窗冷

百字令

寶山

蔣敦復

劍人

鐙傳雁足有竟甯題字漢家遺物第一如花人出塞照
見蛾眉淒絕渺渺鴻飛幢幢蠟燭鏡殿嗁秋夕金釭二
等西京雜事休說 今日故紙摩挲老僧殘榻感煙雲
陳迹尙有建昭鐙一器玉盃當年同出化去誰歸徐君
璠宿艸海上兵戈劇短檠相對憐余肝膽如雪案竟甯
韓邪單于入朝願壻漢家乃選後宮良家子得王嬙與
匈奴和親蓋漢業衰矣思古者卽一器物足寓千秋龜
鑑

琴調相思引

縱得相逢已可憐等閒辜負好華年思量何事鉛淚溼征
驂私蕤水沈香暗祝願伊成佛我成仙博山灰冷心字
一鑪煙

天香

擬宛委山房賦龍涎香用篋房韻

猊鼎溫磨麝煤煖炷縈簾一縷雲氣碎碾冰塵勻調玉
居語
唾海客爲傳遺製驪宮月滿誤喚醒潛虬癡睡迢遞槎
程萬里滄波暗浮煙水相逢茗餘竹外沁芳魂翠屏風
細幾度護春閒試碧簪斜墜籠袖餘馨漸褪渾未減當年
戀香意漫理瓊篝濃熏繡被

水龍吟

擬浮翠山房賦白蓮用玉田韻

爲誰淨洗鉛華宵深易泣銅盤露亭亭玉立珊珊佩整霓
裳罷舞月鏡窺妝冰壺濯魄盟尋沙鷺記采香歸也銀塘

路遠渾不覺秋來處 仙掌芙蓉休妒夢梨雲鴛央應誤
芳姿自澹芳心自潔一般無語粉暈微銷脂痕全褪待傳
豪素倘相逢隔浦明璫解贈便淩波去

摸魚兒

擬紫雲山房賦蓴用碧山韻

翦湘波翠痕不

平作

斷一

平作

池春影搖碎柔絲裊裊垂釵股

宛轉鯉函題字看又似水面新荷點點青錢綴蓴前往

事記玉豉凝香紅鹽糝雪相與伴清醉斜陽外又聽吳

歛唱起懷歸翻恨無計鱸魚菰米依然好可惜故鄉千里

愁只是冷一箸秋風誰識飄零意江南望裏指鳬葉銀塘

蘋花芳渚渺渺隔煙水

齊天樂

擬餘閒書院賦蟬用紫雲韻

翠雲深鎖閒庭宇流空一

銀計切

絲琴韻倦抱纖柯疏吟病

葉隔斷人間煩聽槐廳睡醒正柳外風生佩斜難整露下
重霄五銖衣薄耐清冷林塘殘暑退了晚來聲更急催
遞涼信故苑都荒枯形易蛻似訴齊宮恩倖餘華閱魚夜切
盡又繞砌蛩寒早秋光景澹月昏黃瑣窗移短鬢

桂枝香

擬天柱山房賦蟹用瑤翠韻

霜寒浦口正冷葦夜然漁舍如畫隱隱乘潮爭聚鷺汀前
後玉琴絲裏爬沙響補秋容數行衰柳蓼枝扶起斷疏輕

入一鐙紅溜 憶銀計切 那日汾湖載酒怪鄉味尊前別來
非舊徐擣薑芽小試廚娘纖手尖團不用新詩換歎吟胥
何事消瘦瑣牕閒坐眼波相對煮茶時候

臺城路

題家鎔伯

興烈

雲來山館圖

疏簾不隔山睂影朝朝翠浮吟几石瘦棲雲花腴媚晚滿
院斜陽紅膩闌干共倚有飼鶴漁童課茶樵婢指點湖山
畫圖誰似故鄉美 萍蹤同寄海上夜潮流客夢孤檣來
熾翦燭評詩停杯說劍一灑窮途危涕飄零倦矣況喬木
亭臺等閒都廢蕭瑟江關暮笛聲又起

齊天樂

題蕭棟薌丈

承夢

秋夜讀書圖

鉤簾試檢廬陵賦庭空露華涼凝蛻粉蟬枯絮愁蛩急如
豆疏鐙寒耿紗窗未暝早墜葉蕭蕭亂飄金井攤卷闌宵
一聲聲雁警淒冷詞仙同住海上浣花身世感自寫秋
興英氣花銷柔魂酒盪夢徧江南煙艇銀屏睡醒正鑪鴨
添香鬢蟬移影繡罷瑤籤夜吟和漏永

浣谿紗

瑟瑟蘆花已白頭西風涼入鬢絲秋夕陽無語亂山愁
戍角聲中人獨立畫眉橋畔水西流五湖容得一扁舟

摸魚兒

題倪元卿

師旦

寒江釣雪圖

倚箔磯翠綸垂水煙波無限清興玉龍鱗甲參差舞江上
暮寒風勁斜又整認嫋嫋竿絲拂滿霜華影疏林漸暝待
呼起漁兄瓦盆注酒鐙火醉顏映相逢處記泛松江釣
艇鱸魚滋味同領天涯多少繅華夢漁笛一聲吹醒心似
鏡憶陸瑁池邊曾唱風波定一一作平般耐冷倘辦得煙蓑來
分半席我亦刺船竝

高陽臺

江亭之側土壠巋然樹以短碣題曰香冢暇日過
此爲賦是解

紫玉成煙紅綃裊淚多情爲聚飛花豔李穠桃東風幾樹
天斜香魂零落春無主算昭君不慣胡沙話芳時小劫匆

匆愁滿年華 然脂怕寫傷心史但摩挲短碣往事空嗟
燕子飛來當年門巷兒家佩環月冷歸何處誤西陵油壁
香車最銷魂芳草裙裾綠徧天涯

清平樂

鸚鵡冢

晶簾香凍慧舌調新哢楊柳樓臺春似夢寂寞斜陽荒冢
金經苦懺前因落花同葬殘春瘞在香冢之側滴盡棠梨夜雨
驚寒欲喚人人

倦尋芳

丁卯歲莫都中書來知芳雲已謝人世去年予留
京師曾拈花名品歌郎目芳雲爲芍藥病樹不春

將離成識爰述是解時密雪灑窗鐙昏似豆并陽
翁所謂薄醉孤吟也

翠綃裊淚羅袂分香心共天遠酒賭旗亭法曲羽衣偷按
芍藥豐臺芳信好緇塵京國嬉游倦送歸人有壘際晚山
瘦眉微展 悵別後墜歡如夢孤館宵涼愁聽秋雁聲劫
難留一霎彩雲吹斷夜雨棠梨歌釧冷春明鐙火簫聲怨
傍東風忍重憶杏花人面

金縷曲

秀水

沈景修 蒙叔

一瞬絲華歇忍思量豐臺芳訊頓成悽絕衣袂京塵猶
未浣又是青衫淚溼最怕聽西風鄰笛莫怪罽毼消癢
也道多情張緒今非昔曉舊恨總嗚咽 寒煙遠樹傷

心碧記長安去年人面寸腸千疊塵海功名何足戀不
過浮漚起滅便冷卻生花詞筆試采將離同酌酒黯魂
銷夜雨棠梨泣鐙暈炮耐孤寂

木蘭花慢

題吳玉卿女史

珩

遺繪團扇冊

玉卿桐城人縣丞
廷康女辛酉十一

月殉難事詳
浙江忠義錄

抱冬心一點賸零落舊冰紈訝紅印脂酣翠描黛淺芳訊
曾傳飄然散花去後葬香魂疏雨五更寒扇底重尋豔骨
東風冷咽唬鵲 當年綺閣畫無眠寫韻憶嬋娟正官齋
日永香溫茶熟殺粉調鉛誰憐好春斷送弔斜陽老淚灑
吳天更有霜楓露菊傷心同付秋煙

高陽臺

題許邁孫

增

煮夢庵填詞圖

蕉雨聲稀梨雲夢淺疏窗一碧悄悄拍譜闌宵拈豪試寫
秋心鏗前況有吹簫侶彈雙鬟背立花陰寄相思一幅蠻
牋幾度沈吟 歡游已阻春婆醒笑移宮換羽但抱青琴
舊日樓臺憐他燕子重尋梁谿水咽鷗盟冷弔逋翁淚灑
寒潭君爲顧兼鼎先生入室弟子兼翁嘗爲
子評定詞卷甲子過梁谿曾作詩弔之望江南拍徧
闌干誰是知音

菩薩蠻

綠陰如幄春寒淺東風悄掩重門扇斜日柳絲飛春歸人
未歸 畫樓凝望久腸斷休回首新水碧於羅奈他雙槳

何

憶舊游

鳳谿秋禊圖爲石仲華

芳保題

漸蘋花煙冷藕葉風欹涼滿汀洲未了尋芳興又琴尊近
局呼起閒鷗停橈鳳嘴橋畔裙屐少年游笑禊飲重修單
衫小扇無限風流句留泥人處有勸酒雛鬟背立含羞
莫話蘓鱸約寄相思何處風雨扁舟老我十年羈旅雙鬢
暗驚秋歎客裏光陰登高縱目愁倚樓

齊天樂

姚桂生以令兄竹生所作旅雁圖索題壬戌冬日
竹生自江北至雲間兄弟歡聚旬餘寫此誌別並

題句云聽得一聲歸雁至江南江北總相思今竹
生墓艸已宿翦鐙歌此愴然予懷也

敗蘆獵獵西風颭征霜一行倦羽影落江湖書傳關塞涼
曳幾聲柔艸呼羣最苦正水翦吳淞月明瓜步江北江南
爪痕泥雪忍重數池塘春艸夢醒一鐙孤館裏悽斷緘
素柱裂瑤箏音沈錦字哀怨滿懷誰訴相思易阻歎我亦
驚寒舊盟鷗鷺驚漠漠平沙夜涼吹暗雨

一枝春

落梅

酸醲梅風最愁聽畫笛江城吹警樓高路迴可奈綺羅香
冷零蕪斷砌料難覓步塵纖影空自把詞筆題芳換得瘞

花銘贈 淒涼滿懷誰省記相逢竹外一一作平枝低映天寒

袖薄道是玉去聲人春病脂痕褪盡更休問那時妝鏡還證

取仙夢羅浮夜深未醒

和作

錢塘

景祁 蘊梅

薄暝成煙最撩人戍角黃昏催警尋春路迴步繞半谿
香冷清尊倦洗勝簾外瘦蟾窺影曾記否江驛霜空怕
有舊情難贈 經年墜歡重省又鱗鱗萬點蒼落低映
青禽怨晚那管妒花人病仙雲暗墮料吹滿壽陽宮鏡
休更挽笛裏東風故園夢醒

索笑檐空晚風尖聽徹金鈴敲警霜天夜迴半鵲凍雲
吹冷橫斜態好料應減畫簾鐙影憑喚起舞雪瑤妃舊

日佩環誰贈 殘妝更堪回省記霞綃碎翦冰鈿圓映
春心太苦釀了玉容嬌病重門靜揜有殘月照愁鸞鏡
空付與孤鶴落階抱香未醒

瑤臺第一層

郭浩如

然

以沈竹賓畫瑤臺仙夢圖見貽倚此題

之

縹緲游仙銖袂薄東風豔綺羅碧城寒重瓊簫聲斷春恨
偏多夜深留鶴守正月斜松影婆娑望瑤闕指梨雲圍處
還阻銀河 鎖磨鬢絲凋矣十年舊約總蹉跎蕊珠宮裏
拍肩俊侶笑壓生渦近來鸞信杳料酒醒悽斂雙蛾寄相
思賸淒涼心事暗託微波

買陂塘

吳晴峯丈屬題其尊甫樂園先生春水盟鷗遺照
寄幽棲碧落磯畔夕陽芳徑深閑東風吹軟晴漪皺舍北
舍南春水涼影墜罩一樹垂楊向晚搖空翠煙波盡裏指
古岸柴門閒鷗來往拍拍又飛起橫塘路煖綠粼粼無
際孤筇花外頻倚相看總愛忘機好淺夢正圓潮尾吟未
已悵玉筍埋雲身世浮漚似詩盟廢矣賸倦客江湖呼羣
載酒重覓舊游地

寒松閣詞卷一

受業

高安盧書麟
奉新游雲藻

同校

寒松閣詞卷二

嘉興 張鳴珂 玉珊

秋宵吟

和家蘊梅同年

景祁

韻依白石原譜協四聲

晚涼侵砌蟀語起翦疏窗纖炬江南好記畫舸遲遲夢回
鷗渚阻銀河展素杼罷織流黃當戶情無那伴夜笛吹
殘亂愁千縷酒醒香銷問可約褰裳俊侶倦依篝火瘳
怯西風嬾鬥柘枝舞睂月林梢吐兔魄斜窺鸞信漫數惱
匆匆漏點頻催牆角蕉葉逗暗雨

望湘人

和蘊梅同年韻

漸疏鐙照夢清簾
寒畫堂秋思何限
拜月瑤階卷簾繡
館揜映春人嬌面
綺席拂箏粉箴評
曲年時游讌指翠
屏重疊遙山隱約
睂痕深淺花外驚
催漏箭向闌干倚
處戰塵尋徧縱詞
託微波尙有亂愁
難翦紅薇徑裏碧
梧庭畔悔煞當初
輕見那更問曉鏡
窺妝只賸釵梁雙
燕

綺羅香

和羊辛熾

復禮韻

蜨夢剛回蠶絲盡
吐多少纏絲吟緒
青鳥傳言又報碧
雲期誤畫簾半飛
絮徧縈曲闌外落
花無主看熏鑪心
字香銷迢迢蓮漏
夜如許紅牆遙指
一抹猶記雙雙拜
月嫦娥應妒彩筆
攜來替寫十睂新
譜歎團扇漸欲捐
秋問桃

葉幾曾名渡任拋殘紅豆相思斷腸人共語

清平樂

題畫

香紅微褪壓損眉尖恨起卷湘簾剛問訊疏影正橫釵鬢
翠禽消息沈沈羅浮淺夢難尋手撚玉梅花嗅年年酸
透春心

聲聲慢

題潘麟生

鍾瑞

聽風聽水填詞圖

雲移帆影潮落灘聲江湖人在扁舟楓葉蘆花程程細數
征郵今宵酒醒何處警孤眠單枕支愁疏篷底試重尋箇
譜傳唱蘋洲商校銀鐙密字倩紅牙按拍翠黛輕謳過

盡松陵煙波無限風流天涯最憐倦旅歎鬢絲容易驚秋
鷗夢冷艤橫塘還憶舊游

邁陂塘

麟生屬題西泠餞秋圖用卷中自題韻

莽西風亂飄殘葉閒庭深夜如雨朝來試望疏林外寒斂
遠山眉嫵人小住聽隱隱霜鐘催送秋歸去歸期尙阻待
重滌銀尊和愁澆酒油壁舊游路 明湖畔我亦頻年寄
旅蘋花煙艇低護蒹蘆膾依然好回首故鄉何處須記
取記滿眼滄桑欲共閒鷗語蒼涼寸緒看橫翠樓前柳絮
瘦盡還忍倚闌否

壺中天

題陸劄雲丈行看子

壺天栖隱愛蕭蕭水竹涼空搖翠一笛西風塵盡浣禁得
荒寒如此倚石敲詩看雲悟畫領略閒情味相慰何處舊
盟鷗鷺呼起還憶鄧尉膠溪卅年小住花底柴門閉繞
屋琅玕霏綠雪回首煙波無際麋走臺荒燕歸巢換身世
飄零矣鄉愁多少白頭重話吳市

青玉案

王小谷庚出畫扇索題

春人易墮傷春淚早減了睂鸞翠靜揜文窗剛小睡曉鵲
聲苦落花紅膩繡出靡蕪地香殘銀葉鑪煙細風雨連
宵斷腸未兩鬢綠雲梳未起湘簾慵卷畫闌斜倚多少愁

滋味

蜨戀花

海棠桃花畫扇姬人乞題

胡蜨飛飛花滿院銀燭高燒揜映嬌紅面乞借春陰春尙
淺綠章遙奏通明殿爲祝東風簾半卷玉洞幽姿綽約
無人見會待仙郎來結伴一籤春水江南岸

淒涼犯

題盛詵孫

傳均

孤鐙對影圖

疏鐙不照團欒影麻衣閃閃如雪掌珠碎後庭護頓菱寸
腸酸裂西風乍拂又吹墮瑤臺片月最傷心妝樓怕上環
佩響淒絕當日追歡處繡祿斑衣鏡簾吟篋卅年夢短

盼銀河曙星明滅倦客情懷更休問銅荷穗結祗深宵冷
燄似豆伴哽咽

摸魚兒

題潘順之年丈

遵祁
嬾漁圖

漫落磯半篙新漲游鱗波底無數桃花春水江南岸漠漠
柳陰吹絮人小住聽隔浦鳴榔爭權扁舟去移篷共語有
簑簪隨身竿絲在手來作石湖主幽棲好漁父頭銜自
署筆牀茶竈容與朝衫換卻煙蓑便穩臥葦風蘋雨憑記
取但遙指潛淵更有何人妒斜陽未暮且吹火船脣瓦盆
注酒相款舊鷗鷺

百字令

小昉

延秀

與許康甫等身

同客竹樵方伯

恩錫

署

中繪吳天萍合圖屬題

金閨亭畔數年年萍梗飄零如此日下雲閒誰獨絕同調
古今能幾孤岫團雲畫船聽雨長嘯逢知己酒酣起舞簫
聲應動吳市還喜幕府棲遲醉吟東閣心事梅花寄旅
館一鐙聯好句寫罄烏絲闌紙十手爭鈔雙鬟傳唱莫漫
銷英氣鷗盟無恙石湖尋徧煙水

夢橫塘

壬申秋八月二十三日挈姬人兒女爲南湖之游
道出松陵敏舫歌此

槩迎桃葉絳曳蘆梢盪得琉璃波軟雨洗秋容看繞岸蘋

花開滿橋臥虹垂塔尖雲鎖水平天遠正惺忪縮髻小拓
篷窗橫一作抹山睂淺儂家舊住鴛湖笑全家一舸鼓
櫓歸緩過盡松陵聽隱隱玉簫吹怨最難忘去聲隨身簪簪
老作煙波釣徒伴此去鄉園蟹肥淺熟話風塵游倦

齊天樂

偕姬人登煙雨樓

鴛鴦不妒游仙夢扁舟又尋清境澈夢紅疏湖淺翠繞星
斷激波千頃闌干共凭正隄柳絲絲亂飄飄影水嫩風狂
畫羅衫袖訝秋冷樓臺圖畫在否歎浮雲劫換前事誰
省曲榭塵凝危橋石偃步履重開芳徑斜陽易暝警一笛
漁蓑漸催歸艇樹杪明蟾照愁煙外醒

虞美人

泊石佛里

荒滑斷漢疑無路中有濛濛樹幾家臨水揜雙扉
鎗火樓臺舊夢認依稀十年前遊兵居此湖田蔭熟繩分罽采采人如
畫滿灘明月泊孤舟吹老西風黃葉寺門秋

疏影

題高次愚

煙

梅窗讀畫圖

層層畫榻盪玉梅癢影疑寫殘墨喚起冰魂芳訊依依疏
香冷入瑤席開簌試檢生綃看儘負了銀屏遙夕
祇夜深翠羽飛回悄傍暮寒簾隙猶憶題襟漢上一
鐙旅館裏縑素堆積粉本攜來茶熟香溫點染春風顏色
詞人老去

飄零死

謂陶錐庵

又忍聽淒涼鄰笛，倘壁牋重，仿橫枝寄我綺

窗消息

百字令

題沈書卿松隱庵讀書圖

語兒谿上，記秋風一舸，年時來往。望斷松林叢密處，道是
隱侯門巷。花細敲牀，室虛延籟，天半濤聲響。浮雲劫過，艸
堂依舊無恙。遙憶靜坐攤書，追涼人健，蒼翠縈簾幌。插
架琳琅三萬卷，一一丹黃評賞。吐鳳才華，枯蟬滋味，好作
千秋想。一甌容借，準拏煙艇相訪。

甘州

題雷夏叔秦淮移艇圖

又西風吹冷石城秋扁舟記初停正江空月白雲橫雁度
流水迴汀莫問六朝金粉臺榭總飄零賸有長隄柳猶自
青青休更登臨望遠便移篷橋外倚醉聽箏柰淒涼法
曲瑤怨寄湘靈幾回把珊瑚擊碎向酒邊留取舊狂名牢
愁甚寫傷春句分付旗亭

百字令

朱節甫蓺菊數百種花時排列盆盎延客酌賞繪
圖索題

谿山無恙向白龍潭上誅茅營屋四壁圖書千斛酒添蓺
一籬黃菊留客持螯引杯看劍談笑俱驚俗閒鷗來去舊
盟商略重續還憶籌筆雲閒拈豪門韻同翦西窗燭昔

日相逢今十載霜鬢星星凋綠埽徑呼童篝鐙課子勝事
輸君獨西風簾卷晚香吹滿闌曲

浪淘沙

題畫

梳裹最風流鬢髯睂修仙心俠骨兩無儔
面桃花春水暖自洗吳鉤
毳幕易驚秋十載句留幾人投筆覺封侯
賴有侍兒能說劍了了恩讐

夢橫塘

題蔣卓如

樹本
夢歸圖

夕陽含暝斷浦迴潮片帆歸去無恙一舸夷猶悄不見閒
鷗來往紅熄邊烽綠迷津渡此時情況向橫塘轉舵隱約

漁鄉垂楊映明蟾上 欣看似水門庭有煙蕪匝徑露蕊
盈盎鏡檻書窗添幾許暗塵蛛網指修竹吾廬宛在好作
桃源避秦想怎奈今宵酒醒何處怨昏鐙羅帳

桂枝香

文胥麓姨丈

如峽

臨衡山待詔仙桂新枝圖遺墨

子廉表弟屬題

天香萬斛正小院秋晴晚風低撲剛卷湘簾延賞翠甌茶
熟停雲妙筆空千古有詩孫畫圖重續調鉛熏豔拖藍道
葉散芬盈幅 指昔日禾城老屋賸黃鸝飄階廢落凝綠
記得淮南招隱小山遺曲故鄉耆舊凋零久展瑤牋墨花
吹馥吟魂呼起新枝又長一叢金粟

臺城路

題吳景喬

松年

竹院參禪圖

蕭蕭撼撼荒寒甚
簷管四圍環繞翠
蘚侵階白蓮結社卻
喜攢眉人到桐心
漸槁早妙悟拈花
炷香微笑淨洗塵根
一聲清磬盪昏曉
當年曾共玉帳記橫
戈躍馬五茸春
州翦燭談兵停杯
說劍還倚危樓孤
嘯鴻泥印爪歎浪
迹雲浮故鄉歸好
颺徧茶煙鬢絲空
自裊

壺中天

丁丑春日將還禾中過怡園留別

嫩寒池閣浸一簾
春水辛夷吹落燕子
呢喃巢未穩遮了
重重簾幙蘚石埋
雲蘿垣過雨濃翠
分幽壑小桃開也
夕

陽紅照闌角 還憶漠漠秋陰香飄叢桂招我花間酌記
聽撈欸頻勸酒往事思量如昨塵鞅辭難巖緣修淺空負
林泉約他年歸隱再來休怨鰥鵠

憶舊游

丁丑春莫朱慕庵

文炳

拏舟過予東原艸堂出昔

年與王松谿

麟書

施均甫

補華

游西溪圖屬題松

谿近宦江右均甫從戎甘涼子亦有都門之行舊
雨晨星前塵如夢用樊榭韻歌此殊黯然也

記鷗邊夢醒雁底煙疏雲斂山詹一舸尋秋去正蘆花作
雪涼滿晴漪昨宵鯉魚風起吹瘦柳絲絲喜勝侶偕來扶
筇貰酒同款柴扉 塵機問誰息任埽地焚香翦燭吟詩

聚散搏沙似歎光陰彈指催試征衣怎奈水遙山遠關塞
幾斜暉又艸綠天涯誅茅有約人未歸

踏莎行

題秦散之

敬樹

小睡足寮園

枕倚粧紅甌浮乳碧濛濛花影晶簾隔攬衣殘夢尙惺忪
斜陽未暮鵲聲急 笠澤仙鄉微雲詞筆一時吟賞應無
敵莫釐峯下敞疏寮酒醒又理鴛湖楫

甘州

甚年時蹤迹似浮萍東風又天涯望鄉關眇邈羊車再到
開落桃花可是樓香願滿疏雨冷琵琶忍聽哀蟬曲愁鬢
都華 記得鳳喈橋畔展睂斂殘月同倚窗紗道尋春未

晚仙夢碧城遮翦淞波綠蕪千里誤幾回燕子傍誰家魂歸也有垂楊處嘯煞昏鴉

木蘭花慢

借錢筵

仙

振常

董覺軒

沛

王同伯

同

楊雪漁

文瑩

潘伯循

通

濮止潛

子潼

集松筠庵餞辛辛櫓南歸

乍相逢日下又驪唱送君行訝綠鬢絲凋白雲秋冷離思迴縈飄零故鄉夢遠況年年釵卜竟無靈明發歸期定準酒邊細數郵程長征聚散如萍人海裏訂鷗盟喜堂開諫草蘭池暑淨月映簾旌多情舞衫題徧把一平腔幽怨託湘薜譜入花谿倦笛天涯賺得狂名

浣谿紗

紫陌迢迢碾翠輪
悄攜羅帕拂鞦韆
塵塞帷剛見玉精神
入座殷勤斟桂醕
停歌宛轉訴蘭因
金尊檀板總銷魂
麋月樓遙品藻遲
羣芳誰竝好花枝
櫻桃紅到十分時
團扇新詞如夢令
洞簫私諡有情癡
酒闌鐙炮輒相思

好事近

硯悅齋出歌郎七兒小景索題

北斗正闌干
行過竹林尋覓勸飲玉川茶
罷倚寶牀將息
雙星脈脈渡銀河
問今夕何夕手撫冰絃無語伴微雲
詞客

二郎神

李蕤客

慈銘

屬題秋江渡榜晚霞時詩意畫扇用

陶子纘方琦韻

畫船載酒剛趁著晚霞明靚正叩徧桐舷攜來簫侶那管
湖天弄暝兩兩鴛鴦驚飛起又悄傍銀塘窺影憐拂袖護
香推篷延爽玉肩偷竝愁凝山眉送黛雙蛾低映悵雁
底煙涼鷗邊夢醒風露一平襟漸冷佩擷蘅芳歌傳菱唱
多少墜歡誰省須記取一諾微波拚扇自羞鸞鏡

聲聲慢

題許季仁太守善長碧聲吟館圖

一平聲一作聲一葉亂離芭蕉西風釀成寒碧瘦影離披搖暝綠
紗雙榻黃昏冷蟾未上卷疏簾晚涼猶怯睡鴨燼正香心
添試畫屏遙夕莫歎秋光易老算輪與吟商庾郎詞筆

拍譜挑燈花底嫩
簧初炙霜鴻半空嘹唳寄相思
錦牋稠疊夜漏永又誰家吹墜玉

于句切
笛

孤鸞

題吳穎函丈

昌言

悼亡詞後

碧紋牕揜認殘月
睂斂鏡塵棲黯數盡蓮籌耐得竟牀長
簾涼颺動搖翠竹
夢驚回佩環聲颺料是楚魂無定暈短
檠蘭燄歎沈郎
胷痠帶圍減況賃廬年年客游多感昨
夜東風又到杏花邨
店清明禁煙近也
醉孤墳濁醪香醖
檢點舊時羅帕有淚痕勻染

憶江南

江南好
蒸雨熟梅天一掐
爪痕留櫓李五更
肩擔販冰鮮

身本言卷二
風味憶由拳

江南好春樹喚提壺
賤裏桃花姑嫜餅
刀披雪片馬皋魚
風味憶當湖

江南好畫舸載行廚
八字眉彎搓粉餃
一簋春水網斑魚
風味憶姑胥

江南好春艸雉媒閒
潮落蟛蜞螯斫雪
雨餘蘭筍籜凝斑
風味憶雲間

垂楊

黃鞠裳

元坤

家新城之規溪環溪種柳煙縷露條

揜映籬落咸豐己未庚申閒佐徐壽蘅學使

樹銘

校士閩中欲歸未得繪柳溪夢隱圖以寄慨戊寅

夏晤於西江志局出圖徵題爲賦是解

疏簾乍卷看小橋曲徑翠陰遮斷漫水搖隄柳絲飄颺東
風軟年年不縮游驄轉料辜負茂陵心眼望江鄉空倚桃
笙數舊愁深淺應歎琴尊夢短算輸與定巢畫梁雙燕
酒醒今宵月殘猶帶睂痕展春來芳信天涯遠怕歸路花
飛絮顫任濛濛亂撲征衫塵未澣

點絳脣

樓芸皋

杏春

將赴信州索詞爲贈

覽徧匡廬晚涼一櫂江天倚溼雲流翠濃碧霑衣袂采
蘋花望遠憑誰寄拚深醉雁聲低墜冷抱瑤琴睡

長亭怨慢

寒松閣詞卷二

七

川上

明姚簡叔

允在

畫白太傅潯陽送別橫卷爲李蓺

淵太守

維翰

屬題

最蕭瑟叢蘆荒岸墜葉搖涼楚天秋晚送客長亭夕陽鴉
背已零亂去帆催挂頻目極煙波遠九派走江聲試比似
離情深淺 腸斷聽陽關唱徹忽訝素絃低按停鐙招謫
有多少綺懷幽怨歎薄宦一例銷魂自淪謫天涯誰管柰
酒醒今宵珠淚青衫彈滿

琵琶仙

己卯春莫鄭曉涵

由熙

自吉州來章門出蓮漪詞

屬訂竝用白石韻製詞爲贈依韻和之

塵海吟身乍相見顚顚青衫如葉商略簫譜重修新詞最

淒絕斜照外花飛麴輒又聽喚數聲鶗鴂對酒當歌憑闌
望遠心緒誰說甚風雨門掩春寒歎辜負清明好時節
芳訊至今迢遞任飄零莫莢楊柳岸韶光漸老倚畫簾粉
絮吹雪底事腸斷江南故鄉輕別

憶舊游

曉涵家黃山僑寓白下癸丑寇燹避地十有餘年
江表肅清金陵重到繪圖以寄禾黍之悲徵題賦
此

正鳴笳送晚疊鼓驚寒重繫吟橈滿目滄桑感漸荒蕪綠
徧戰壘蕭蕭板橋幾株疏柳霜悴短長條笑社燕歸來烏
衣巷冷舊隱誰招魂銷冶游地賸古渡斜陽流水迢迢

畫舸飄零盡只莫愁湖上煙艇輕搖指點遠山睂黛金粉
話南朝但夢繞空江鄉心此夕隨去潮

壺中天

題曉涵蓮漪填詞圖

闌紅何處看粉雲圍繞扁舟容與萬頃晴漪瑟瑟水佩
風裳無數浴鷺低拳明蟾偷照扇底清芬度叩舷微唱一
襟涼染珠露曾否喚起湘靈哀絃重理羅幃淩波步卅
六鴛央誰管領似訴年華遲暮玉笛吹愁銀鐙校字商略
修簫譜采香歸去待傳芳訊休誤

湘江靜

羅兩峯臨董北苑瀟湘卷爲王鶴樵觀察

耑齡題

曉霧收浮嵐漸露又濛濛絮雲晴護沙明遠岸微波似鏡
攬中洲芳杜玉笛一聲秋垂楊外扁舟來去樵歌唱晚魚
簪習涼看都是舊鷗鷺夢乍醒吟正苦指僧廬翠微深
處青蘿挂壁新篁繞徑聽疏鐘遙度易惹客心愁江天迴
雁行移艣蒼茫四望湘煙暈碧斜陽未暮

大有

己卯九日偕鄭曉涵游百花洲遲李芋仙

士紫不

至還集通志局邀同蔣篆雲

芳

王松谿杜飈初

熾

點小飲用潘懷古九日韻

遠水微茫百花洲上倚短筇延賞秋九浸寒漪池荷冷落
非舊危廊曲榭共臨眺正佳節登高時候有約醉倒東籬

寒松閣詞卷二

齒

詞文一

西風卷簾人瘦 霜螯熟聊命酒紉佩擷紅莢暗香盈袖
詩思頻牽指點板橋疏柳卻喜鷺鷥來又休重向煙波回
首最難得擊盞聯吟催租去後

百字令

蔣香生

鳳藻

自吳中來章門出竹籬招隱園索題

時將赴官閩中

莼鱸歸興喜田園無恙一作椽棲託杜老秋風茅屋底位
置笛牀茶幕麕眼編籬鶯聲選樹開徑尋眞樂芋陂蘆稜
晚涼還課僮約誰信遠道年年征帆細雨來上滕王閣
榕驛三千灘百二明日扁舟重泊叢桂淮南孤松彭澤寂
寞留雲壑艸堂資辦故山休負鴈鶴

買陂塘

辛巳秋吳子梅觀察

世熊

有乞病之意繪安穩收

帆圖屬題竝訂結鄰之約

曳斜陽布帆無恙魚天涼氣吹暝橫江雨過疏煙闌闊住
數紋千頃明似鏡看一槿中流自在風波定商飆正勁喜
遼海雲颿轉輪紅粟穩渡木蘭艇 闌干凭指點微茫雁
影秋光誰共消領名山游歷如今嬾忽動五湖歸興鷗夢
醒垂柳外聲聲漁笛塵心警鄉關路迴倘鼓枻來時小長
蘆畔相約倚橈等

大江東去

題許子笠太守

承家

天際歸舟圖

乘風歸去推篷望千丈銀濤如雪一霎滄溟經萬里飄蕩
孤舟似葉險浪鷗眠驚波鯨吼眼底真奇絕鄉心無限緒
龕遙指天末 回憶銀計切長揖軍門大旗懸落照陣雲愁
結靶首韓刀馳露布蠻觸紛紛漸滅汗馬論功椎牛開宴
快擊中流楫樓船橫海角聲猶自鳴咽

寒松閣詞卷二

受業

新建胡綬芝
上海李鴻齊

同校